

舊志序

嘉靖三十年辛亥

邑令

劉魯生 恩縣

曲沃舊無志刻嘉靖戊申九月余承乏是邑纔踰月巡撫舜澤蘓公移文來取縣志余實不文且初任未暇也因謀諸耆舊得邑之英毅軒李子裴莊仇子近泉許子禮請以董其事兩月而集成余公暇披閱三覆見風土之美山川之秀賦役戶口之繁物產之衆官師人物之賢文章著述之雅甲於他郡廼作而嘆曰沃古封國也肇自三代大盛於春秋至今猶爲河東劇邑而無志焉斯不謂之缺典乎廢而不舉有司責也將欲以三子之所成者壽之於梨又思今郡縣志即古列

一

舊序

國之史所以彰往察來別淑慝昭勸懲也非可易易言者必廣詢博採而後無遺蹟循名責實而後無訛傳義正詞確而後無贅語類序倫分而後無亂章故其載欲悉其事欲核其書欲直否則疎也戾也支且舛也志雖作不如其已此古文章之士操觚染翰千言可立就至槩之以史則雖學博二酉體具三長而於一字之下未嘗不含毫閤筆遜其難而莫敢定顧余何人而敢當茲任哉遂寢其事因循幾二載毅軒子復來請曰邑志前此凡三作矣今皆隻字弗錄若再襲前愆恐九仞之功廢於一簣之未成寧不爲智者惜乎余因其言

而諦思之金匱石室之藏與堯夫野人之記臧否不同其趣一也矧我國家疆理海內曲沃去畿壤僅千餘里其民物之被德澤人材之沐教化亦深且久矣則夫紀述治功贊揚盛美亦有司奉職之義也是以忘其謏劣取三子之錄間以己意繁冗者刪之失次者定之缺畧者補之事類之不係乎本縣無關於名教者削之總其綱則有八析其目四十有六平帙分為上下二卷大率從三子之筆而補偏救弊之論毅軒子為居多皆矢心秉公守正不阿據古今之跡考名實之副共求為實錄以示存羊之意云爾若曰明軌憲章崇教樹風義足追古文可傳後繼成一邑之典又俟夫後之長於史才者而予固非其人矣

沃史舊序

萬曆四十年壬子

解元進士  
吏部侍郎

李尚思

晉峯  
邑人

曲沃之有志也自恩縣劉侯始今雍邱趙侯起寶坻令來沃甫下車即慨然前志乃屬邑博王君曰俞萃文學閭生重光梁生士毅劉生靖國因生貳卿等分類編纂語語皆由於初名之曰沃史而問序於余昔者成周建國各有專官以職紀載則為史臣乃子輿於千八百國中僅舉晉乘楚檮杌以證魯史春秋則知善史之良難今之邑志國史之遺意也語有

之土生人人生事事生志志一出而人畏志乃懼事是故董  
狐之筆可信而徵可懲而勸侯之意實寄之沃史哉沃自晉  
昭侯封桓叔乃有今名而繼世號多事建新城之後恭世子  
經於譖然終晉世猶遞有弑奪而隨分於魏終入於秦為左  
邑漢元鼎間為聞喜而建武又為絳至後魏而復今名名何  
以仍曲沃也謂膏腴猶故也而侯則謂石田多而軍興重民  
以賈而輕去其鄉泰山嫠婦不畏虎而畏政其意款款在民  
矣即山川建置方域物產亦必宣氓隸之鬱若痼瘵之在身  
焉見其表則重秩官見其攷則重風俗見其志則重人物見

一  
舊序

其傳則重禱杙若曰凡為秩官者悉為民有者也一不穀其  
謂民何民以習成釀為風俗人物先民之典型而禱杙其攷  
鑿者也侯之評邑令有官即徵人豈徵官員人人負官之論  
言言斧鉞讀之凜凜則侯之入於民者可知是信史也人比  
之春秋而實沃侯之政記也或惜侯才賸三長乃不為史而  
為吏然人人循良而天下治人人操不律而民亦安所寄生  
死乎侯抱直突之慮而情見乎詞能為千古徵文獻又何吏  
之不為史也沃之史前無作者有之自雍邱趙侯始則其書  
不直可上追晉之乘哉

續修曲沃志  
卷十一  
一  
復修沃史序

康熙七年戊申

邑令周 鉞 莆田

曲沃之志創於嘉靖恩縣之劉成於萬歷杞縣之趙至我

皇清康熙丙午署沃今衡陽太守張公銳然邑乘按圖考狀徵故采謠其經鄉先生之耳目士大夫之口吻者業核其詳無亥豕魯魚之訛也凡土疆之分合山川之流峙道路之通達風俗之隆替物產之登耗邑里之興廢賢科人物宦跡官師靡不抱括無遺而復以雲漢昭回之章冠焉咫尺之編識大舉細彰往古而揭來今厥功金石與並矣余不敏承乏椒聊之墟夙夜在公拮据民事於鉛槧文獻懼歲蕤不逮溪刻徒勞

舊序

不敢作拈毫想茲沃邑之老成具瞻裁衡鉅典則大師相大司馬謂志之藝文一卷所以彰符采也而文多挂漏即靈光一碑讀之輝光四映者竟置不錄屬余以校搜之役因不敢避炎暑尋巖岫之迹求鄴架之藏兩旬而殺青乃竟剗剗將竣惟舊史內自唐宋金元明之有目無文者間為補足其國朝諸家詩文咸已鐫石而藝文則差有可觀刻有成本因弁數語以志其勩云

舊志序

康熙四十五年丙戌

邑令潘 錦 崇如

曲沃舊志五卷明嘉靖間縣令劉公魯生所修也萬歷間知

縣趙公彥復增為二十六卷名曰沃史

本朝攝縣事太原司馬大梁張君奇勛因沃史舊文重加編輯為二十五卷前令莆田周公鉞別綴藝文若干首書始出或病其言不雅馴詮次紕繆有志者每欲起而正之余嘗讀是編目愧見聞謏劣不能窺作者旨趣然於標目頗竊疑之蓋古者諸侯各以其年紀元故列國有史如齊之有南史晉之有董狐是也自封建改為郡縣禮樂法度一稟章程無敢私議於室即稗官野史同於齊諧君子猶或非之况一邑之紀載儼然自命為史乎故嘗過不自料輒與邑中同志取曩時舊

舊序

志別為義例增損隳括闕者補之繁者約之平心商榷一衷諸道名曰曲沃縣志蓋所以繼前賢未竟之志竊附於張周二君子纂輯之末非敢為作也後之君子本是編而參考互訂別展心裁勒為一書光諸國門余又竊有望焉

新修曲沃縣志序

乾隆戊寅仲春

丁巳進士河東觀

喬光烈

潤齋上海

國僑以博物擅詞令兒寬用經術澤吏事然則通儒醇雅當其政之觀成借史筆以斧藻其邑乘亦古製錦名疆者所特重哉然著作之才燦然可觀尤使言典事核抉箋注之疑豁耳目之滯如咸池烈景羣幽旁照而後廼可駕往詰轅後雋

垂為不刊之典籍張君衡湘名宿雕葉鏤冰與古作者侔乾隆甲戌自天城移宰曲沃未數月訟希團絲歌來醇酒幾埒於傅山陰顧建康之治余奉

天子命持節兩河間久重其最績歎為屬邑冠每商政事則源源本本益令前席傾倒沃人苦蒙城侯馬之兩驛也余與之均其役歲丁丑夏移蒙城還歸太平史村士民踴躍請修志以紀其盛事君則苦為秉筆詢其故謂修他志易修沃志難他邑無據因仍前乘續刻而弁之以序耳沃則古為霸國前有經書左國史漢班班可考顯與相戾考訂之謂何創始而更

一

舊序

新則怠於政事况唐宋無傳本中明草創於劉令萬歷趙令變為沃史百年凡五修之康熙丙戌潘令以縣志不宜稱史復修為志雖止五十餘年而疑仍不辨文仍不備倘因陋就簡修猶不修報於受梓也余時勉以學者當為其難矧責有毋庸辭者哉今年春志稿成余量移天津矣君因咨言於余余惟揚子雲有言斷木為棋抗革為鞠皆有法度况以志百里者稽考諏詢建置沿革宜其慎也然墨守成法往往為故籍所愚今見撰述之次曲沃新田確詳遺址絳山沃水研究源流俾千年塵跡如日中天又採石經雕史以廣文苑搜異

見竒聞以光詞林四十卷中皆發前賢所未發者夫自有沃  
縣以來昔之令不知凡幾百輩也而誰問其根抵今舉君之  
辨證數大端足以鐫貞珉而芳竹素度越前徽遠甚書其績  
非特沃人吟焉歌焉社焉稷焉即列諸統通志殆有煒其光  
者歟且按之義例精覈糠粃播除不俚不濫無雜無支事廣  
於先文美於昔誰不稱之為信史哉抑余又思焉文章與政  
治原不相妨觀北戶交南之志皆作於從宦惟人之才學敏  
練淵博有不同是以不待掣其肘而兢兢簿書日慮不給者  
蓋不少君今出其有餘優而為之以視古之君子不後先媿

一  
舊序

美乎採風者披其志土地之行與財賦可稽關隘之扼塞山  
谷可數治化之淳和民俗可知人物之蒸蔚教澤可見實沉  
之墟參伐之野儼然留先晉之餘烈外史書之非君之業而  
奚屬昔余官關中則愛康氏武功志今官河東則愛張氏曲  
沃志皆以綜核有法度也王阮亭謂武功物料湊手得蘇蕙  
廻文詩有光於編首今君得古邑而纂輯之光以詩禮春秋  
左國馬班言典事核精確不磨以視廻文詩之相去為何如  
也君之才名甲當世必有讀此志而寶貴之者然則疇耀一  
邑沃之人固有幸矣豈知良牧之當

聖朝華實兼被蓋僅僅乎見之能弗深慶乎哉是為序

舊志序

乾隆戊寅

縣令張坊

和五  
湘潭

宜興儲六雅先生修山西通志成書坊時在京邸遊太僕師門受而閱之立論有典則而辨證一志剖疑摘要見未曾有至散見各邑若彼此相抵牾先生則并兩說存之因就正請益謂修省志徵之縣志也辨其大綱耳餘則三晉廣矣勢不能如盧敖之窮遊穆滿之徧歷身親目擊真知確見握管時能以此邦文獻而臆斷其有無可乎解人知之矣坊時為之心折夫志以昭信亦以釋疑民牧者為人師長將以釋羣疑

舊序

也必足之所履目之所經能指畫其山川都邑形勢建置胸有成竹而後迺可釋群疑而千古因仍沿革之說亦不致任人秉筆恣憑而罕所抉摘曲沃屏鄆太行襟帶汾澮稱平絳劇縣舊矣風俗之儉樸財貨之衍輿冠紳文藻之彬雅都蔚自明迄今來今茲邑者先後皆纂錄如周書鄭志史胥藏之用昭一邑大概矣蓋志乘之修廢與政治之張弛實相為表裏今去雍邱趙君修沃史時百五十八年即崇安潘君修縣志亦五十有二年稽之外史掌邦國之志每歲詔登相去久遠則編其戶籍之登耗上其生齒之繁寡酌其徭役之勞逸

經其渠堰之蓄洩踵前人功鑿然使不磨余也何敢多讓顧志以垂信而剖疑余來沃凡沃所當為不惜謏劣每舉而正之然三年中所疑而莫釋者獨曲沃新田之故墟恒輟輟而不能申其辨嘗考之先儒注疏前代著述皆稱古曲沃在聞喜新田在今曲沃坊以形勢推度山川區畫古曲沃不當逾絳山汾澮以南新田豈宜仍遷沃城為一地即兩邑之間人如二李者互載辨證然皆無地以處新田此千古以曲沃為疑案相沿而不改熒惑將終古焉會歲丁丑邑人以移驛之舉欣然請重修縣志余乃以平昔所問學參之三十年之閱

舊序

歷遠稽近徵彰明較著指侯馬為新田古城為曲沃今治為新城陳書質之繪圖考之作徵辨之徧質諸士夫英耄怡然渙然冰解心服乃知尚論當具隻眼立說需有確據臆斷者何能操邑乘之觚未嘗不往復六雅先生之言之有旨也坊惟曲沃新田在成周為封國及隸平絳稱雄望古籍昭然煌煌乎大邦也哉乃不採經傳不辨故址不核名義非地負人實人負地讀書稽古之謂何然饒於古而畧於治將人民社稷豈能以不治治之耶故華藻之以文章根據之以事跡尤舉治化所切要者而書之然後群知趨向斯三千年之名區

勝地不淪於蔓草荒烟億萬載之學士文人皆自明於光天化日之下矣古者輜軒採風其典雖廢稽雍正七年

詔各省修通志以脩一統志之採擇今卷帙裒然凡郡邑之所撰輯皆若金鑑南車而坊也遭逢

明聖分符古邑職宜以文章報稱脩內外史考而潤色休明黼黻皇猷顧敢稍自暇逸不力為考信以昭示吾民而剖厥疑於來許也耶

續修曲沃縣志目錄

卷之一

序

舊序

纂修

凡例

輿地志

星野

圖考

沿革

疆域

山川

形勝

風俗

物產

續修曲沃縣志

卷之一

目錄

卷之二

建置志

城地

公署

壇壝

祠廟

坊表

古蹟

陵墓

寺觀

學校志

廟制

祀典

樂章

書籍

師儒

書院

義學

鄉飲

卷之三

田賦志

戶口 田賦 水利 倉儲

郵政

兵防志

防守 關隘 墩臺 器械

爵秩志

封爵 職官 宦績 封蔭

卷之四

貢舉志

科目 明經 薦辟 仕籍

續修由沃縣志

卷之一

目錄

例貢 職監

人物志

孝友 忠烈 勲業 儒林

文苑 卓行 隱逸 流寓

仙釋 術藝

卷之五

列女志

賢淑 貞烈 節孝 附現在守節

卷之六

藝文志 附梓異

續修白沃縣志

卷之一

目錄

凡例

一縣志昉自前明嘉靖年知縣劉魯生惜傳本不概見萬歷己酉知縣趙彥復修有沃史

國朝康熙五年太原同知張竒勛署縣事增補之至七年知縣周鉞核定剗刷仍稱沃史四十五年知縣潘錦重加纂輯易史為志乾隆二十二年知縣張坊修輯新志考辨曲沃新田之名與地並圖考藝文等而加詳焉今增補續修徵引不出諸書折衷惟求一是

一前志列四十卷今分十門各以類從計類五十有六惟藝文一門頭緒較繁止分奏疏傳記詩賦等並附祥異於後不復名之以類而條分縷晰一目了然亦無非類也綱以統目目以繫綱使十門如一篇可免鉅訂雜湊之患

一類統於門是以逐類不加小序惟窮源究委雖難免於踈漏而於顛末間有未盡或分見岐出指歸未定之處於各類後畧加按語以發明之

一圖考舊止十一張志增為十七其沿革內另繪一圖粟分黍布煞費苦心今并移置於前共為十八以昭畫一至天文分野隨文載入不在圖考之列

一學校為尊 師育才地鼓篋祭菜禮節樂和自古為重  
本朝春秋祭享儀無不脩復蒙

御製樂章特為頒發謹脩載於篇並附錄前守劉青岑先生祭儀  
以便士子肄習至鄉飲有關典禮即三代五更三老之遺今  
歸於學校門內當之者可顧名而思義焉

一水利之興所以溉民田重農務也疏池鑿沼止玩賞之細娛  
隨龍繞堂更堪輿之誣說縣境溫泉為二十一村灌溉之資  
雖舊有入泮三分而前明地震橋傾道塞為時已久前令張  
銳志復古旋復堙廢事之可已而不已者何為歟其詳文等

悉為刪削

一郵政自前明洪武間以兩驛移曲沃官民俱累乾隆二十二  
年知縣張坊詳明始末蒙 明大中丞

奏准蒙城一驛仍歸太平縣史村此驛既裁事可不載惟

中丞

奏摺載入藝文以脩稽考且以見事得其平云

一前志兵防內多載列國戰爭之事並與此地無涉而防汛器  
械等又多缺畧今悉刪除增補以昭體制

一人才關乎氣運非可強而得之晉國多賢古無論已即漢唐

以來代有其人雖隱顯竒正不必一轍而有守有為能文能武者莫不秉山川靈秀應運而興其在晉時於前志內間有刪除後此前志已載並目前增入非敢濫也

一節孝貞烈之婦凡合例者有司得以詳請上

聞

朝廷建坊旌表所以勵風俗廣教化也前志載有現在守節不得不為查考至數十年來其業經請旌者固不待言而實在苦守身故合例並符於例而未故者悉分別載入不但風化攸關守土者難辭其責即沃邑民人大半作賈遠方其歿於

凡例

外者不少故守節之婦甲於他邑後之採風者夫亦可識其由來矣

一流寓沃史止載五人潘志三人而張志幾二十人夫不返之謂流寄居之謂寓無論嬰僑聘使參柙謫官即延陵端木偶一到此亦豈得為萍漂而草寄者哉核而載之庶免繁稱遠

引之譏

一藝文張志收采不無太煩詩禮左國原屬家絃戶誦之書登眺歌吟豈盡憂玉敲金之句若非割愛刪除恐積累日增不幾汗牛充棟乎至現在採訪亦不便全行載入有識者自當

諒之

續修曲沃縣志

卷之一

凡例